

AEQVATORIVM
CONSTRUCTIO INSTRUMENTI
Veneris.



COMPOSITIO organi Veneris per similes est compositioni trium superiorum, præterquam quòd semidiametro à *D* centro in punctum usq; sub orbe signorū datum, in sexaginta partes diuiso, numerabitur una pars, & 15 minutiis sexagesimæ, quæ quidem *K* centrū æquantis indicabit. Hæc igitur *KD* linea cū in duas partes in centro eccentrici secta fuerit à *C* puncto, numerabuntur partes 30, quarum finis sit *A* centrum epicycli Veneris, ab hac deniq; partes 21, minuta 35 numeratę ostendent *E* punctū, & linea *AE* erit semidiameter epicycli Veneris, reliqua ex prioribus colliges.

¶ Vocabulorum interpretatio eadem est cum tribus superioribus, ex quibus etiam studiosus eam petere poterit.

¶ Verum locum Veneris scrutari.



EADEM est motus veri Veneris inquisitio, quæ & trium superiorum. Esto enim exempli causa, medius motus Veneris tempore dato, qui & medius Solis motus, signorum 10 graduum 5, minorum 21, secundorum 42. Argumentum autem medium signi unius, graduum 26, minorum 29, secundorum 55. Cum quibus si iuxta doctrinam canonis egero, inueniam verū Veneris locum in 28 gradu Aquarij, eamq; directam, cum argumentum eius sit in superiore epicycli arcu, fuisse indicat.

AEQVA